





說文曰筑五弦之樂沈約宋書曰筑  
不知誰所造也史記唯云高漸離擊  
筑案今筑形似箏有項有柱史記荆  
軻至燕日與屠狗及高漸離擊筑荆  
軻和而歌於市中相樂已而相泣旁  
若無人

三雍

河間獻王傳二十三

河間獻王武帝時來朝獻雅樂對三雍



宮

應劭曰辟雍明堂靈臺也雍和也言  
天地君臣人民皆和也又漢書音義  
曰皆叶天人雍和之氣為之故謂三  
雍

蹲鴟

貨殖傳六十一

蜀卓氏曰吾聞嶧山之下沃楸下有跋  
鴟至死不飢

師古曰蹲鴟謂芋也其根可食以充  
糧故無飢年華陽國志曰汶山郡都  
安縣有大芋如蹲鴟也

感槩

郭解傳六十二 季布傳七

郭解少時陰賊感槩

師古曰陰賊者陰懷賊害之意也感  
槩者感意氣而立節槩也  
季布傳贊曰婢妾賊人感槩而自殺



非能勇也

五陵

原涉傳六十二

師古曰五陵謂長陵安陵陽陵茂陵平陵也班固西都賦曰南望杜霸北眺五陵是知霸陵杜陵非此五陵之數也而說者以為高祖以至茂陵為五陵失其大意

二府

劉向傳六

如淳曰二府謂丞相御史大夫府也亦曰兩府也

交戟

劉向傳

佞邪與賢臣並在交戟之內

師古曰交戟謂宿衛者

置醴

楚元王傳六

魯穆生受詩於浮丘伯楚元王好詩以穆生為中大夫穆生不嗜酒元王每置



酒常為穆生設醴及王戊即位常設後  
忘設焉穆生退曰可以逝矣醴酒不設  
王之意怠楚人將鉗我於市稱疾卧  
師古曰醴甘酒也少麴多米一宿而  
熟味齊也

枕中書

劉向傳

宣帝與神仙方術之事而淮南有枕中  
鴻寶苑祕書言神仙使鬼物為金之術

及鄒衍重道延命方世人莫見而劉更  
生父德武帝時治淮南獄得其書更生  
幼而讀誦以為奇獻之言黃金可成上  
令典尚方鑄作事費甚多方不驗  
師古曰鴻寶苑祕書並道術篇名藏  
在枕中言常存錄之不漏泄也

印刻

韓信傳四

韓信曰項王使人有功當封爵刻印刻



忍不能子

蘇林曰刳音刳角之刳刳與搏同手  
弄角訛不忍授也師古曰刳音五九  
反搏音大官反

馮軾

酈食其傳十三

酈食其馮軾下齊七十餘城

師古曰馮讀曰憑憑據也軾車前橫  
板隆起者也云憑軾者言但安坐乘

車而游說不用兵衆

間路

韓信傳

黥布傳四

韓信欲東下井陘擊趙李左車說趙王  
曰願假臣等兵三萬人從間路絕其輜  
重

師古曰間路微路也

黥布先從間道破關下軍

師古曰間道微道也



葬驪山 劉向傳

秦始皇葬於驪山之阿下錮三泉上崇山墳高五十餘丈石椁爲游館人膏爲燈燭水銀爲江海黃金爲鳧雁珍寶之藏機械之變棺槨之麗宮館之盛不可勝原又多殺宮人生薶工匠計以萬數驪山之作未成而周章百萬之師至其下矣項籍燔其宮室往者咸見發掘其

後牧兒亡羊羊入其鑿牧者持火照求羊失火燒其藏槨

師古曰石椁爲游館者多累石於壙中以爲離宮別館也孟康曰作機發木人之屬盡其巧變也晉灼曰始皇本紀命匠作機弩矢有所穿近輒射之又言工匠爲機咸皆知之已下門羨門皆殺工匠也師古曰不可勝原



者言不能盡其本數也周章陳勝之將也往者皆發掘之以求財物也鑿

謂所穿冢藏者音在剥反

騶騎

惠帝紀 東方朔傳又注

應劭曰騶騶騎也師古曰騶本廢之馭者後又令為騎因為騶騎耳

凌室

惠帝紀 武帝紀又注

師古曰凌室藏冰之室也

間者

文帝紀

師古曰間者猶言中間之時也

弋綈

文帝紀贊

文帝身衣弋綈

如淳曰弋皂也賈誼曰身衣皂綈師

古曰弋黑色也綈厚繒音大奚反

太夫人

文帝紀

如淳曰列侯之妻稱夫人列侯死子



復爲列侯乃得稱太夫人子不爲列侯不得稱也

醪文帝紀

師古曰醪汗滓酒也

指縱蕭何傳九

功臣皆曰蕭何未有汗馬之勞俱臣等上何也上曰諸君知獵乎夫獵追殺獸者狗也而發縱指示獸處者人也

師古曰發縱謂解絀而放之也指示者以手指示之俗言放狗縱音子思反而讀者乃爲蹤蹟之蹤非也書本皆不爲蹤字自有逐蹤之狗不待人發也

棧道高帝紀

張良說漢王燒絕棧道

師古曰閣道也



鳩酒 齊悼惠王傳八

應劭曰鳩鳥黑身赤目食蝮蛇野葛以其羽畫酒中飲之立死

引強 周勃傳七

周勃材官引強

服虔曰能引強弓弩官也孟康曰如

今挽強司馬也師古曰強音其兩反

殿兵 周勃傳

周勃擊章邯車騎殿

師古曰殿填也謂鎮軍後以汗敵勃擊破章邯之殿兵也殿音丁見反

鈍如椎 周勃傳

周勃不好文學每召諸生說士東鄉坐責之趣為我語其樸椎少文如此

臣瓚曰令直言勿稱經也師古曰趣讀曰促謂令速言也服虔曰謂訥鈍



也應劭曰今俗名拙語爲椎儲師古  
曰椎謂樸鈍如雜也音直推反  
酒家保樂布傳七

樂布窮困賣庸於齊爲酒家保

孟康曰酒家作保保庸也可保信故  
謂之保師古曰謂庸作受顧也爲保  
謂保可任使

遮虜障

李陵傳二十四

師古曰障者塞上險要之屯往往修  
築別置候望之人所以自階蔽而伺  
敵也遮虜障名也

穹廬

匈奴傳六十四上

師古曰穹廬旃帳也其形穹隆故曰  
穹廬

成蹊

李廣傳贊二十四

諺曰桃李不言下自成蹊



師古曰蹊謂徑道也言桃李以其華實之故非有所招呼而人爭歸趣來往不絕其下自然成徑以喻人懷誠信之心故能潛有所感也

爰臂 李廣傳

李廣爰臂

如淳曰臂如援臂通肩也

厥角齧首 諸侯王表二

王莽因母后之權漢諸侯王厥角齧首應劭曰厥者頓也角者頷角也齧首首至地言王莽漸漬威福漢之王侯莫敢怨望皆頓角齧首至地而上其璽綬也晉灼曰厥猶豎也叩頭則頷角豎齧與稽同

門牡飛 五行志七中之上

成帝元延元年長安章城門門牡自亡



函谷關次門牡亦自亡

晉灼曰章城門者西出南頭第一門也師古曰牡所以下閉者也亦以鐵爲之韋昭曰次門者函谷關邊小門也師古曰非行人所由蓋關司曹府所在之門也

京房易傳曰飢而不損茲謂泰厥災水厥咎牡亡妖辭曰關動牡飛辟爲士道

臣爲非厥咎亂臣謀篡故谷永對曰章城門通路寢之路函谷關距山東之險城門關守國之固固將去焉故牡飛也

九流

藝文志十

儒家者流出於司徒之官道家者流出於史官陰陽家者流出於羲和之官法家者流出於理官名家者流出於禮官墨家者流出於清願之守從橫家者流



出於行人之官雜家者流出於議官農家者流出於農稷之官小說家者流出於稗官諸子十家其可觀者九家而已皆起於王道既微諸侯力政時君世主好惡殊方是以九家之術蠶出並作師古曰稗音穉稗之稗稗官小官漢名臣奏唐林請省置吏公卿大夫至都官稗官各減什三是也

初用夏正

高里

武帝紀

太初元年冬十月行幸泰山十一月甲子朔旦冬至祀上帝于明堂十二月檀高里

應劭曰初用夏正以正月爲歲首故改年爲太初也高里者伏儼曰山名在泰山下師古曰此高字自作高下之高而死人里謂之蒿里或呼爲



下里者也字即爲蓬蒿之蒿或者既見太山神靈之府高里山又在其旁即誤以高里爲蒿里混同一事文學之士共有此謬陸士衡尙不免况其餘乎今流俗書本此高字有作蒿者妄加增耳

犇命 昭帝紀

始元元年益州牂柯等皆反遣水衡都

尉呂廣胡募吏民及發健爲蜀郡苑馬擊益州大破之

應劭曰舊時郡國皆有材官騎士以赴急難今夷反常兵不足以討之故權選取精勇聞命奔走故謂之奔命師古曰犇古奔字耳犇音虔又鉅言反

封君 食貨志四下



師古曰封君受封邑者謂公主及列侯之屬也

即山鑄錢

食貨志

建元以來用度少縣官往往即多銅山而鑄錢

師古曰就多銅之山而鑄錢也

摩錢質取鉛

食貨志

姦或盜摩錢質而取鉛

臣瓚曰許慎云鉛銅屑也摩錢漫面以取其屑更以鑄錢西京黃圖敘曰民摩錢取屑是也師古曰鉛音谷

皮幣

食貨志

有司言曰古者皮幣諸侯以聘享金有二等黃金為上白金為中赤金為下今半兩錢法重四銖而姦或盜摩錢質而取鉛錢益輕薄而物貴則遠方用幣煩



費不省乃以白鹿皮方尺緣以績爲皮幣直四十萬王侯宗室朝覲聘享必以皮幣薦璧然後得行又造銀錫白金以爲天用莫如龍地用莫如馬人用莫如龜故白金三品其一曰重八兩圜之其文龍名白撰直三千二曰以重差小方之其文馬直五百三曰復小擘之其文龜直三百令縣官銷半兩錢更鑄三銖

錢重如其文盜鑄諸金錢罪皆死而吏民之犯者不可勝數

孟康曰白金銀也赤金丹陽銅也鄭氏曰半兩錢其文爲半兩實重四銖也師古曰績繡也繪五采而爲之如淳曰銀錫白金者雜鑄銀錫爲白金也晉灼曰以重差小之者以半斤之重差爲三品則中品六兩下品四兩



也師古曰攲音他果反攲圜而長之也

苑馬

景帝紀中六年

匈奴入鴈門至武泉入上郡取苑馬

如淳曰漢儀注太僕牧師諸苑三十

六所分布北邊西邊以郎為苑監官

奴婢三萬人養馬三十萬頭師古曰

武泉雲中之縣也養鳥獸者通名為

苑故謂牧馬處為苑

商顏

溝洫志九

發卒萬人穿渠自徵引洛水至商顏下

師古曰徵音懲即今所謂澄城也商

顏商山之顏也謂之顏者譬人之顏

額也亦猶山領象人之頸領

黔首

藝文志十

後漢光武紀

師古曰秦謂人為黔首言其頭黑也



又光武建武五年注秦呼人爲黔首  
謂奴爲蒼頭以別於良人也

鵀冠

藝文志

後漢志三十

楚人居深山以鵀爲冠師古曰以鵀  
鳥羽爲冠

後漢志武冠加雙鵀尾豎左右爲鵀冠  
五中郎將羽林左右監等皆冠鵀冠鵀  
者勇雉也其鬪對一死乃止故趙武靈  
王以表武事奉施之焉

徐廣曰鵀似黑雉出於上黨荀綽晉  
百官表注曰冠插兩鵀鷩鳥之暴疏  
者也每所櫻撮應爪摧劔天子武騎  
故以冠焉傅玄賦注曰羽騎騎者戴

鵀

雉經

馮奉世傳贊四十九

申生雉經



師古曰國語云晉獻公黜太子申生  
乃雉經于新城之廟蓋為俛頸閉氣  
而死者雉之為

牢讓

牢讓爵位

咀藥

王嘉傳五十六

王嘉引藥杯以擊地曰三公負國當伏  
刑都市何謂咀藥而死

師古曰咀爵也

劔璣

王莽傳六十九上

王莽為新都侯就國孔休守新都相莽  
盡禮待之緣恩意進玉具寶劔欲以為  
好休不肯受莽因曰誠見君面有癩美  
玉可滅癩欲獻其瑑即解其瑑休復辭  
莽曰君嫌其價邪遂椎碎之自裹以進  
休休乃受及莽徵去欲見休休稱疾不



見

師古曰癩創痕也服虔曰瑑音衛蘇林曰劔鼻也師古曰瑑本作璣後傳寫訛也瑑音殿瑑字耳音篆說文云劔鼻玉也從玉彘音直例反

秋忽敘傳七十下

元元本本數始於一產氣黃鍾造計秋忽

劉德曰秋禾芒也忽蜘蛛網細者也

師古曰秋音秋其字從禾

置亭馮奉世傳 劉屈氂傳又注

師古曰置謂置驛之所也

離飢寒蕭望之傳四十八

邊郡數被兵離飢寒

師古曰離遭也

金選之品蕭望之傳



西羗反張敞上書言縣官穀度不足以

振之度徒各反願令諸有辜非盜受財殺人

及犯法不得赦者皆得以差入穀贖罪

天子下其議兩府丞相御史以難問敞

敞曰因此令贖其便明甚何化之所亂

甫刑之罰小過赦薄罪贖有金選之品

師古曰呂侯為周穆王司寇作贖刑

之法謂之呂刑後改為甫侯故又稱

甫刑也應劭曰選音刷金銖兩名也

師古曰音刷是也字本作錡錡即鍤

也其重十二銖二十五分銖之十三

一曰重六兩呂刑曰墨辟疑赦其罰

百鍰劓辟疑赦其罰惟倍剕辟疑赦

其罰倍差宮辟疑赦其罰六百鍰大

辟疑赦其罰千鍰是其品也

名數孔光傳五十一



元帝賜霸第一區徒名數于長安

師古曰名數戶籍也

首鼠兩端

田蚡灌夫傳二十二

武安侯田蚡始未貴時往來侍酒於魏侯竇嬰所跪起如子姓及蚡貴士吏趨勢利者皆去嬰而歸蚡蚡日益橫灌夫者父張孟嘗為灌嬰舍人得幸故蒙灌氏姓吳楚反夫父子俱有功武帝時夫

位至太僕後蚡請嬰城南田嬰曰老僕雖棄將軍雖貴寧可以勢相奪乎不許夫聞怒蚡聞嬰夫怒不與田蚡亦怒兩人有隙蚡取燕王女為夫人嬰與夫俱往賀遂縛夫居室遣吏遂捕諸灌氏支屬皆得棄市罪嬰救夫因言蚡短兩人廷辨之蚡罷朝召御史大夫韓安國怒曰與長孺共治一禿翁何為首鼠兩端



嬰夫皆棄市

師古曰姓生也言同子禮若已所生也居室署名屬少府長孺安國字也張晏曰秃翁言嬰年老嗜酒頭秃言當共治一秃翁也服虔曰首鼠一前一却也

睢陽曲

梁孝王傳十七


梁孝王築東苑三百餘里廣睢陽城七

十里

師古曰更廣大之也晉太康地記云城方十三里梁孝王築之鼓倡節杵而後下和之者稱睢陽曲今踵以為故今之樂家睢陽曲是其遺音

兩漢博聞卷四終





才  
防  
清  
博  
野  
君  
若

五  
三  
一



